



BOSNA I HERCEGOVINA
БОСНА И ХЕРЦЕГОВИНА
INSTITUT ZA AKREDITIRANJE BOSNE I HERCEGOVINE
ИНСТИТУТ ЗА АКРЕДИТОВАЊЕ БОСНЕ И ХЕРЦЕГОВИНЕ

01/a-50-1

20-11-2012



PARLAMENTARNA SKUPŠTINA
BOSNE I HERCEGOVINE
Zastupnički dom
Trg BiH 1
71000 Sarajevo

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIJEDLOG: 20-11-2012			
Organizaciona jedinica	Klasifikacione oznake	Redni broj	Broj priloga
			01-50-115-35/12

Broj/Број: 04-50-564-2/12
Datum/Датум: 2012-11-16

Predmet/Предмет: **Odgovor na zastupničko pitanje**

Poštovani,

Dostavljamo Vam odgovor na zastupničko pitanje (dopis br. 01/a-50-1-15-35/12 od 25.10.2012. godine), koje se odnosi na ulogu Instituta za akreditiranje Bosne i Hercegovine u procesima rješavanja problema sa kojima će se suočiti Bosna i Hercegovina nakon pristupanja Republike Hrvatske Evropskoj uniji, a koje je postavila zastupnica Nermina Zaimović-Uzunović na 35. sjednici Zastupničkog doma Parlamentarne skupštine Bosne i Hercegovine:

Institut za akreditiranje Bosne i Hercegovine (BATA) je u skladu sa članom 4. Zakona o akreditiranju Bosne i Hercegovine (Politika Bosne i Hercegovine u području akreditiranja i njeni osnovni principi) uspostavio Sistem akreditiranja BiH koji je usklađen sa zahtjevima standarda BAS ISO/IEC 17011 i Uredbom EC br. 765/2008 Evropskog Parlamenta i Savjeta. Jedan od glavnih postavljenih ciljeva BATA-e je osiguranje međunarodnog priznavanja akreditiranih Tijela za ocjenu usklađenosti, tako da je BATA 11.03.2010. godine podnijela aplikaciju za potpisivanje Bilateralnog sporazuma (BLA) sa EA (European co-operation for accreditation) u području ispitivanja, kalibracija i inspekcija.

Aktivnosti ocjenjivanja Sistema akreditiranja BiH odnosno BATA-e od strane EA Tima je uspješno okončano, tako da je na zasjedanju MAC (Komitet EA za BLA i MLA) prihvaćen Izvještaj Tima za ocjenjivanje i odlučeno da BATA potpiše BLA sporazum sa EA u području ispitivanja, kalibracija i inspekcije.

Ovo znači da je BATA ispunila uslove za priznavanje Izvještaja o ispitivanju ispitnih laboratorija, certifikata kalibracionih laboratorija kao i izvještaja/certifikata inspeksijskih tijela, kako u Republici Hrvatskoj, tako i svim članicama EU.

Ovim je BATA osigurala međunarodno povjerenje u rad akreditiranih tijela za ocjenu usklađenosti, te pružila tehničku podršku BiH izvoznjcima u ostvarenju konkurentnosti na međunarodnom tržištu.

S poštovanjem,


Direktor
doc. dr. sci. Žarko Petrović



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3134/12
Sarajevo, 15.1.2013. godine

01-50-1-15-35/12			
Broj	Redni broj	Organizaciona jedinica	Organizaciona jedinica
PRIMLJENO: 16.01.2013			
SARAJEVO			
PARLAMENTARNA SKUPŠTINA BOSNE I HERCEGOVINE			
BOSNA I HERCEGOVINA			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 34. sjednici održanoj 11.1.2013. godine, utvrdilo je Odgovor na zastupničko pitanje koje je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3134/12
Sarajevo, 11.1.2013. godine

Nermina Zaimović Uzunović, poslanik u Predstavničkom domu Parlamentarne skupštine Bosne i Hercegovine, na 35. sjednici Predstavničkog doma održanoj 23.10.2012. godine, postavila je sljedeće poslaničko pitanje:

„Jedan od pozitivnih koraka na putu EU integracija je usvajanje Zakona o državnoj pomoći. Njegovo usvajanje otvorilo je proces implementacije uslova za formiranje institucija i ekipiranje tima za izvršavanje obaveza. Šta je urađeno na implementaciji Zakona o državnoj pomoći?“

Na postavljeno pitanje, Vijeće ministara Bosne i Hercegovine je na 34. sjednici održanoj 11.1.2013. godine, utvrdilo sljedeći

ODGOVOR

Dana 27.11.2012. godine, održana je prva, konstitutivna sjednica Vijeća za državnu pomoć Bosne i Hercegovine (u daljem tekstu: Vijeće) na kojoj je usvojen privremeni poslovnik o radu i izabrani predsjedavajući i dva zamjenika predsjedavajućeg Vijeća. Ministarstvo vanjske trgovine i ekonomskih odnosa BiH je uputilo Vijeću ministara BiH, na davanje saglasnosti, Prijedlog pravilnika o unutrašnjoj organizaciji Sekretarijata za državnu pomoć čime će se stvoriti uslovi za finansiranje ove institucije iz Budžeta. Ministarstvo finansija i trezora BiH je zaduženo zaključkom Vijeća ministara BiH da predloži visinu naknade za članove Vijeća, a Delegacija Evropske komisije u BiH je putem postojećih i u narednim IPA projektima obezbijedila početnu tehničku pomoć za početak funkcionisanja, a kasnije i stručnu pomoć Vijeću. U tom smislu, a u cilju što brže implementacije Zakona, pripremljeni su i Nacrti potrebnih podzakonskih akata.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3134-1/12
Sarajevo, 15.11.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16.01.2013			
Organizaciona jedinica	Klasifikaciona oznaka	Redni broj	Broj prijema
01-50-1-15-35/R			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 34. sjednici održanoj 11.1.2013. godine, utvrdilo je Odgovor na zastupnička pitanja koja je postavila Nermina Zaimović uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3134/12
Sarajevo, 11.1.2013. godine

Nermina Zaimović Uzunović, poslanica u Predstavničkom domu Parlamentarne skupštine Bosne i Hercegovine, na 35. sjednici Predstavničkog doma održanoj 23.10.2012.godine, postavio je sljedeće poslaničko pitanje:

- 1. Koliki je prema našim procjenama broj nelegalnih azilanata iz Bosne i Hercegovine koji mjesečno odlaze iz Bosne i Hercegovine u zemlje Evropske unije?**
- 2. Šta institucije Bosne i Hercegovine poduzimaju da se broj nelegalnih azilanata smanji?**
- 3. Kakve su procjene o broju azilanata za naredni period i koje se aktivnosti planiraju poduzeti s obzirom na nadolazeću recesiju koja će mnoge natjerati da potraže ekonomska rješenja za svoje porodice?**

Na postavljeno pitanje, Vijeće ministara Bosne i Hercegovine je na 34. sjednici održanoj 11.1.2013. godine, utvrdilo sljedeći

ODGOVOR

- Na osnovu Zaključka Vijeća ministara sa 142. sjednice održane 25.01.2011. godine i 151. sjednice održane 25.05.2011. godine Ministarstvo sigurnosti Bosne i Hercegovine zaduženo je da preuzme aktivnosti na monitoringu Odluke o bezviznom režimu za građane Bosne i Hercegovine u Evropsku uniju/Šengen koji će provoditi Evropska komisija u saradnji sa zemljama članicama Evropske unije u sklopu tzv. Post-viza monitoring mehanizma.
- Ministar sigurnosti Bosne i Hercegovine, postupajući po navedenim zaključcima Vijeća ministara Bosne i Hercegovine, donio je Odluku o osnivanju Radne grupe za monitoring provođenja Odluke o bezviznom režimu za građane Bosne i Hercegovine u Evropsku uniju (u daljem tekstu: Radna grupa ili Monitoring tim) čiji je zadatak da u saradnji sa Evropskom komisijom i drugim evropskim nadležnim institucijama i zemljama članicama EU, svim bosanskohercegovačkim nadležnim institucijama i agencijama, entitetskim ministarstvima unutrašnjih poslova i Policijom Brčko Distrikta BiH, planira, koordinira i provodi sve potrebne aktivnosti na monitoringu Odluke o bezviznom režimu za građane Bosne i Hercegovine u Evropsku uniju, te sve izvještaje koje prosljeđuje Evropskoj komisiji prethodno dostaviti Vijeću ministara BiH radi upoznavanja.
- Također, navedenim Odlukama sve unutrašnje organizacione jedinice i upravne organizacije u sastavu Ministarstva sigurnosti Bosne i Hercegovine dužne su dostavljati sve potrebne informacije Radnoj grupi radi provođenja Post-viza monitoring mehanizma.
- Osnovni cilj djelovanja Radne grupe jeste praćenje implementacije obaveza/zahtjeva/mjerila napretka iz Mape puta za ukidanje viznog režima za građane Bosne i Hercegovine nosioce biometrijske putne isprave u Evropsku uniju / Šengen, a sve u cilju pripreme izvještaja Evropskoj komisiji na osnovu mjerila napretka iz dokumenta Mape puta za ukidanje viznog režima za građane Bosne i Hercegovine u Evropsku uniju / Šengen.
- Odmah nakon uvođenja bezviznog režima za građane Bosne i Hercegovine u Evropsku uniju / Šengen, oblast monitoringa obavljala se kroz mehanizam praćenja napretka u sljedećim oblastima:
 - Upravljanje granicom;
 - Sigurnost dokumenata,
 - Borbu protiv organizovanog kriminala i korupcije,
 - Efikasna implementacija Sporazuma o readmisiji i upravljanje migracijskim tokovima između Evrope i Bosne i Hercegovine.

- Radna grupa je u skladu sa istim monitoring procesa vizne liberalizacije provodila, tj. provodi kroz proces:
 - Redovnog održavanja sastanaka Radne grupe za monitoring;
 - Sastanaka sa predstavnicima Delegacije Evropske unije u Bosni i Hercegovini;
 - Sastanaka sa predstavnicima Evropske komisije u Briselu;
 - Sastanaka sa predstavnicima zemalja članica Evropske unije;
 - Sastanaka sa predstavnicima EU i drugih međunarodnih tijela/agencija;
 - Izrade i dostavljanje periodičnih izvještaja Evropskoj komisiji u Brisel;
 - Izrade i dostavljanje statističkih izvještaja Evropskoj komisiji u Brisel;
 - Izrade i dostavljanje analitičkih pregleda Evropskoj komisiji u Brisel;
 - Izrade i dostavljanje „Ad hoc“ izvještaja Evropskoj komisiji u Brisel;
 - Učešća predstavnika Radne grupe na tematskim sastancima u organizaciji Evropske unije i agencija EU, te drugih relevantnih tijela EU;
 - Pripreme i organizovanja posjeta i expertskih misija Evropske unije u BiH;
 - drugi oblici saradnje na zahtjev Evropske komisije i Delegacije Evropske unije u Bosni i Hercegovini, agencija EU i zemalja članica EU.

- S tim u vezi, Radna grupa za monitoring provođenja Odluke o bezviznom režimu za građane Bosne i Hercegovine u Evropsku uniju /Šengen u periodu od osnivanja do dostavljanja ove informacije održala je 13. redovnih sastanaka.

- Odlukom o bezviznom režimu utvrđeni su dodatni mehanizmi za provođenje odluke o monitoringu, i to:
 - Praćenje će biti sastavni dio godišnjih izvještaja Evropske komisije o napretku reformi u Bosni Hercegovini i o tome će se i sistemski diskutovati na odborima za Sporazum o stabilizaciji i pridruživanju.
 - Utvrđivanjem specifičnih načina na koje će Delegacija Evropske unije, u saradnji sa vlastima Bosne i Hercegovine, informisati svoje građane kako bi spriječili rizike od zloupotrebe procedura azila.
 - Uvođenje urgentnih konsultacija kako bi Evropska unija i njene zemlje članice, u saradnji s vlastima Bosne i Hercegovine mogle reagovati u najboljim mogućim uslovima na bilo koje poteškoće koje se mogu pojaviti kao posljedica migracije ljudi iz zemalja Zapadnog Balkana.
 - Komisija će redovno izvještavati Vijeće i Evropski parlament, počevši nakon šest mjeseci od stupanja na snagu postojeće Regulative i iskoristiti rezultate rada eksperata iz Komisije i zemalja članica, delegacija Evropske unije kao i bilo kojih relevantnih informacija s kojima su upoznate zemlje članice.

- Bosna i Hercegovina je prva zemlja u regionu Zapadnog Balkana koja je nakon uvođenja bezviznog režima formirala Monitoring tim tj. Radnu grupu za monitoring provođenja Odluke o bezviznom režimu za građane Bosne i Hercegovine u Evropsku uniju/Šengen.

- Bosna i Hercegovina je u proteklom periodu pripremala i redovno dostavljala Evropskoj komisiji i zemljama članicama EU/Šengen sve potrebne izvještaje/informacije o implementaciji preuzetih obaveza iz Mape puta za liberalizaciju viznog režima za građane Bosne i Hercegovine u Evropsku uniju/Šengen koji su uvijek uključivale posljednje (update) informacije vezane za Post-viza monitoring period, te smo kao zemlja više puta pohvljeni za saradnju i ažurnost u ispunjavanju ove obaveze od strane svih EU sudionika procesa monitoringa.
- Već je poznato da su krajem 2011. godine, i u prvo kvartalu ove, u nekim zemljama Evropske unije zabilježeni slučajevi povećanja tražitelja azila za koje je potvrđeno da su porijeklom iz Bosne i Hercegovine. Ovdje se posebno izdvaja Kraljevina Belgija i Kraljevina Švedska. Odmah nakon identificiranja ovih problema preduzete su sve potrebne mjere kako bi se ublažile posljedice istog, odnosno zaustavio priliv neosonovanih zahtjeva za azil u zemljama Evropske unije, odnosno Kraljevini Belgiji i Kraljevini Švedskoj.
- Tom prilikom pokazana je odlična saradnja nadležnih organa u Bosni i Hercegovini i zemalja članica EU, Kraljevine Belgije i Kraljevine Švedske da se zajedničkim koordiniranim aktivnostima zaustavi svaka buduća zloupotreba bezviznog režima. U skladu sa tim Bosna i Hercegovina je poduzela niz kratkoročnih, srednjoročnih i dugoročnih mjera sa ciljem prevencije i sprječavanja svih pojavnih oblika zloupotrebe bezviznog režima od strane građana Bosne i Hercegovine. Ove mjere predstavljene su tokom prošlogodišnjeg Ministarskog foruma EU/Zapadni Balkan održanog 3. i 4. 10. 2011. godine u Ohridu za vrijeme poljskog predsjedavanja Evropskom unijom.
- Na predmetnoj konferenciji u Ohridu ministar sigurnosti Bosne i Hercegovine prezentirao je Akcioni plan mjera bosanskohercegovačkih institucija i agencije koje su bile planirane kako bi broj tražitelja azila u EU, porijeklom iz Bosne i Hercegovine, značajno opao i bio sveden na minimalnu mjeru i isti je posebno pozdravljen od svih predstavnika iz Evropske unije. Navedeni Akcioni plan podrazumijevao je sljedeće mjere:

Kratkoročne mjere:

- Uvođenje urgentnih konsultacija sa Evropskom unijom i njezinim zemljama članicama, radi pravovremene reakcije na bilo koje poteškoće koje se mogu pojaviti kao posljedica migracije ljudi iz zemalja Zapadnog Balkana.
- Punu saradnju sa FRONTEX-om radi razmjene tačnih podataka migracionih tokova.
- Pojačavanje mjera kontrole na graničnim prelazima i intenziviranje saradnje sa graničnim policijama susjednih zemalja.
- Organizovanje posjeta lokalnim zajednicama iz kojih dolaze lažni azilanti i uključivanje lokalnih vlasti u sprječavanje budućih zloupotreba i otklanjanju uzroka koji su doveli do odlaska pojedinih građana.
- Razmjena informacija sa diplomatskim i konzularnim predstavništvima zemalja članica Evropske unije u Bosni i Hercegovini, stalna komunikacija sa njima i zajedničko planiranje aktivnosti.

- Stalni medijski istupi ministra sigurnosti i šefa monitoring tima/Radne grupe koji sadrže upozorenja da Bosna i Hercegovina nije zemlja čiji građani mogu dobiti međunarodnu zaštitu u zemljama Evropske unije i upozorenja građanima da se upuštanjem u ilegalne aktivnosti izlažu opasnostima i štetnim posljedicama.
- Posjeta šefa monitoring tima/Radne grupe Evropskoj komisiji i zemljama u kojima su građani Bosne i Hercegovine narušili pravila bezviznog režima u cilju sagledavanja situacije, razmjene informacije, planiranja i provođenja zajedničkih aktivnosti.
- Ponovno provođenje i inteziviranje informativne kampanje za upoznavanje građana o njihovim pravima i obavezama u okviru bezviznog režima.

Srednjoročne mjere:

- Revidiranje i dodatna kontrola u procesu podnošenja zahtjeva za izdavanje dozvola za obavljanje međunarodnog prevoza između država članica CEMT.
- Upućivanje oficira za vezu u EUROPOL, Evropsku uniju, te zemlje u okruženju (Republika Hrvatska, Crna Gora i Republika Srbija).
- Nastavak saradnje sa zemljama članicama EU radi zaključivanja i ratifikacije provedbenih protokola na Sporazum između Evropske zajednice/EU i Bosne i Hercegovine o readmisiji osoba koja borave bez dozvole.
- Zaključivanje i ratifikacija sporazuma iz oblasti policijske saradnje između Bosne i Hercegovine i zemalja regiona.
- Potpuna implementacija Državnog akcionog plana Bosne i Hercegovine za rješavanje problema Roma.
- Potpuna implementacija Državnog akcionog plana za sprečavanje trgovine ljudima u Bosni i Hercegovini 2008-2012. godina.

Dugoročne mjere:

- Potpuna implementacija Strategije Bosne i Hercegovine za rješavanje problema Roma.
 - Potpuna provedbe Strategije razvoja i Strategije socijane uključenosti Bosne i Hercegovine za 2008-2013. godinu.
 - Usvajanje nove Strategiju u oblasti migracija i azila i Akcioni plan za njeno provođenje za razdoblje 2012-2015.
- S tim u vezi, Vijeće ministara Bosne i Hercegovine, na 164. sjednici održanoj 10.10.2011. godine, zadužilo ministra sigurnosti i Radnu grupu da članove Monitoring tima eksperata zemalja članica Evropske unije i Evropske komisije upozna sa navedenim Akcionim planom i mjerama za sprečavanje ilegalnog ulaska migranata iz Bosne i Hercegovine u zemlje Evropske unije / Šengen.
- Upravo je realizacija ovih mjera od strane nadležnih institucija i agencija u Bosni i Hercegovini, te bh. diplomatsko-konzularne mreže u zemljama Evropske unije i zemljama Šengena u kojima su nastali problemi dala rezultat, te je značajno smanjeno naglo povećanja tražitelja azila kako u Kraljevini Belgiji, tako i negativnog trenda u Kraljevini Švedskoj.

- Bosna i Hercegovina je tokom 2012. godine nastavila dobru saradnju sa zemljama Evropske unije, odnosno zemljama Šengena u dijelu razmjene potrebnih informacija koje su usmjerene na sprečavanje zloupotrebe bezviznog režima, dostavljena su sva operativna saznanja nadležnih agencija za provođenje zakona i drugih relevantnih institucija na identificiranju pojedinačnih slučajeva organizovanog dolaska građana Bosne i Hercegovine u Kraljevinu Švedsku gdje su utvrđeni slučajevi organizacije putovanja sa njihove teritorije. Također, slična saradnja ostvarena je i sa kolegama iz Kraljevine Belgije gdje se kroz razmjenu informacija došlo do saznanja o organizovanju putovanja sa ciljem zloupotrebe bezviznog režima i davanja obećanja građanima Bosne i Hercegovine o mogućnostima ostanka u Kraljevini Belgiji.
- Polovinom 2012. godine Bosna i Hercegovina se suočila sa novim oblikom zloupotrebe bezviznog režima koje su rezultirale saznanjima da autoprevozničke kompanije/firme iz Republike Srbije organizovano prevoze građane Bosne i Hercegovine sa njihove teritorije (R Srbije), koji su nastanjeni u blizini granice dviju zemalja, čime su nadležni organi Bosne i Hercegovine onemogućeni za pravovremeno djelovanje u skladu sa zakonom.
- Bosnaskohercegovačka diplomatsko-konzularna mreže u zemljama Evropske unije i zemljama Šengena dopila je upute o pružanju sve neophodne pomoći u cilju prevencije zloupotrebe bezviznog režima, uključujući i nesmetano izdavanje putnih listova za naše građane kako bi se povratak istih ubrao i tekao bez problema. Također, Bosna i Hercegovina je izrazila spremnost da pruži svu neophodnu pomoć za organizovani povratak naših građana u ovakvim slučajevima.
- Kao dokaz opredjeljenosti Bosne i Hercegovine da spriječi svaki vid zloupotrebe bezviznog režima od strane građana Bosne i Hercegovine, posebno u SR Njemačkoj, Švicarskoj Konfederaciji i Linhenštajnu, predsjedavajući Radne grupe / Monitoring tima Bosne i Hercegovine imao je 05.11.2012. godine sastanke u Bernu sa nadležnim službama Švicarske Konfederacije u cilju identificiranja nastalih problema povećanja tražitelja azila porijeklom iz naše zemlje, a s ciljem dobijanja relevantnih informacija kako bi se poduzele konkretne mjera i od strane Bosne i Hercegovine da se spriječi javni oblik lažnih azilanata.
- Odlučnost Bosne i Hercegovine u realizaciji i implementaciji svih navedenih mjera i aktivnosti iskazane su i na istom Ministarskom forumu u Tirani pod kiparskim predsjedavanjem održanom 5. i 6. 11. 2012. godine kroz prihvatanje Zajedničke deklaracije o viznom režimu.
- U sklopu nastavka provođenja Post-viza monitoring mehanizma, delegacija Bosne i Hercegovine prisustvovala je sastanku zemalja regiona Zapadnog Balkana (delegacije R Albanija, Bosna i Hercegovina, Crna Gora, R Makedonija, R Srbija) sa predstavnicima Evropske komisije (Stefano Manservisi, generalni direktor za unutrašnje poslove i Pierre Mirel, ELARG). Sastanku su također prisustvovali predstavnici FRONTEX-a, EUROPOL-a, te predstavnici zemalja EU u kojima je registrovano najviše lažnih

azilanata sa prostora Zapadnog Balkana (K Belgija, SR Njemačka, Švicarska Konfederacija, K Holandija, Luksemburg i K Švedska).

- Svrha sastanka je bila operacionalizacija Deklaracije iz Tirane sa EU - Zapadni Balkan Ministarskog foruma, kao i predstavljanje mjera zemalja Zapadnog Balkana u cilju smanjenja broja lažnih azilanata u EU. Tom prilikom predstavljeni su podaci FRONTEX- a, na osnov kojeg je bilo vidljivo da broj lažnih azilanata iz zemalja Zapadnog Balkana je u konstantnom porastu. U tom smislu broj lažnih azilanata, za mjesec oktobar 2012. godine, je rekordan, a u pogledu Bosne i Hercegovine je primjećeno povećanje od 240% lažnih azilanata u odnosu na isti mjesec prošle godine. R Makedonija ima povećanje lažnih azilanata od 360%. Posebno je predstavljen problem SR Njemačke u kojoj je zabilježeno 80% zahtjeva za azil u posljednjih mjesec dana. Rečeno je da je ovoj situaciji pogodovala odluka Ustavnog suda SR Njemačke u vezi prepoznavanja jednakosti socijalnih prava između građana SR Njemačke i stranaca koji traže azil. Ukupan broj tražilaca azila iz R Srbije i R Makedonije je bio 5.700 u oktobru ove godine, dok je u oktobru prošle godine bilo ukupno 5.000 lažnih azilanata iz zemalja Zapadnog Balkana. Na prostoru Šengena u periodu januar – septembar ove godine, najviše lažnih azilanata je zabilježeno iz R Srbije-57% i R Makedonije – 26%. Građani porijeklom iz Bosne i Hercegovine su na trećem mjestu sa 12% zahtjeva.
- Posebno je bilo interesantno izlaganje predstavnika SR Njemačke gdje je jasno rečeno da ova zemlja očekuje od zemalja Zapadnog Balkana da „*urade svoju zadaću u smislu sprečavanja pojave lažnih azilanata u SR Njemačkoj*“ bez obzira na odluku Ustavnog suda SR Njemačke i sve njene konsekvence.
- Tokom sastanka u Briselu posebno su istaknute aktivnosti Bosne i Hercegovine u vezi istraživanja o organizatorima odlaska lažnih azilanata, te kontroli prevoznčkih kompanija kojima lažni azilanti odlaze u EU. Istaknuta je aktivnost Vijeća ministara BiH u vezi implementacije Strategije BiH za rješavanje problema Roma, te provedbe Strategije razvoja i Strategije socijalne uključenosti BiH za 2008-2013. godinu.
- Imajuću u vidu veličinu problema i potrebu hitnosti djelovanja, na sastanku 12.11.2012. godine u Brislu, predstavljena je nova obaveza mjesečnog informisanja Evropske komisije (počev odmah od decembra 2012. godine) od strane svih zemalja Zapadnog Balkana o konkretnim mjerama te konkretnim – statističkim pokazateljima i rezultatima tih mjera u sljedećim oblastima:

1. Operativna saradnja između nadležnih vlasti zemalja Zapadnog Balkana i zemalja članica EU i evropskih agencija:

- 1.1. Novi bilateralni sporazumi i dogovori u vezi upravljanja granicom, migracija, azila i povratka.
- 1.2. Broj zajedničkih operacija i zajedničke istrage u izvještajnom razdoblju.
- 1.3. Broj povrataka u izvještajnom razdoblju.
- 1.4. Broj zajedničkih operacija granične kontrole i zajedničkih graničnih patrola u izvještajnom razdoblju.

2. Razmjena informacija između nadležnih institucija zemalja Zapadnog Balkana i zemalja članica EU i evropskih agencija:

- 2.1. Povratak- pokazatelji.
 - 2.1.1. Državljanstvo povratnika.
 - 2.1.2. Država povratka.
 - 2.1.3. Razlozi za povratak (odbijen zahtjev za azil, kaznene sankcije, izručenje, readmisije, dobrovoljni povratak).
- 2.2. Redovni putnički tokovi.
 - 2.2.1. Broj putnika.

3. Mjere za poboljšanje granične kontrole i ukupnu sigurnost granica, uključujući operativnu saradnju na regionalnom prekograničnom nivou:

- 3.1. Tip putnika (domaći, strani).
- 3.2. Zahtjevi za biometrijske pasoše.
 - 3.2.1 Broj aplikacija.
 - 3.2.2. Upravna regija u kojoj je zahtjev podnesen.
 - 3.2.3. Ukradene i izgubljene biometrijske pasoše.
 - 3.2.4. Ukupan broj takvih dokumenata.

4. Domaće istrage organizatora ilegalnih migracija:

- 4.1. Broj slučajeva otkrivenih, ispitanih (u upravnom ili krivičnom postupku), krivično gonjenje i presude.

5. Novi programi i projekti pomoći socijalno-ekonomske integracije manjinskih populacija:

- 5.1. Budžet, trajanje pomoći i broj primatelja iz programa u cilju poboljšanja socio-ekonomske integracije (uključujući zapošljavanje, obrazovanje i osposobljavanje) manjinskih populacija.

6. Nove informativne kampanje o pravima i obavezama iz bezviznog režima:

- 6.1. Geografsko područje, budžet, trajanje i način emitiranja novih informacijskih kampanja u vezi bezviznog režima.

- U vezi sa navedenim Bosna i Hercegovina je odmah nakon navedenog sastanka u Briselu započela pripreme za dostavljanje mjesečnih informacija, odnosno prvih informacija za decembar 2012. godine, u okviru novouspostavljenog mehanizam izvještavanja koji je Evropska komisija propisala jedinstveno za sve zemlje Zapadnog Balkana, uključujući i Bosnu i Hercegovinu.
- Dana 29.11.2012. godine u Sarajevu održan je 13. sastanak Radne grupe za monitoring provođenja Odluke o bezviznom režimu za građane BiH u EU/Šengen na temu Post-viza liberalizacija monitoring mehanizma. Sastanak je održan u prisustvu predstavnika Delegacije Evropske unije u Bosni i Hercegovini, Ureda oficira za vezu Savezne Republike Njemačke sa sjedištem u Zagrebu i Ureda Nordijskog oficira za vezu policije i carine sa sjedištem u Beogradu.
- Tokom sastanka razgovarano je o budućim obavezama zemalja Zapadnog Balkana u vezi primjene i provođenja bezviznog režima za građane Republike Albanije, Bosne i Hercegovine, Crne Gore, Republike Makedonije i Republike Srbije koje su predstavljene delegacijama ovih zemalja na susretu sa predstavnicima Evropske komisije u Briselu, održanog 12.11.2012. godine, a na kojem je utvrđen novi mehanizam praćenja prijemene odluke o bezviznom režimu koji će zemlje Zapadnog Balkana (uključujući i Bosnu i Hercegovinu) provoditi u budućnosti.
- Ovaj mehanizam podrazumjeva obavezu zemalja Zapadnog Balkana uključujući i Bosnu i Hercegovinu, da redovno tj. mjesečno izvještavaju Evropsku komisiju u Briselu o podzimanju konkretnih mjera, te konkretnim – statističkim rezultatima u provođenju tih mjera iz oblasti: operativne saradnje zemalja i razmjene informacija Zapadnog Balkana i zemalja članica EU i evropskih agencija, granične kontrole i sigurnosti granica, ilegalne imigracije i vođenja istraga, programa i projekata pomoći socijalno-ekonomske integracije manjinskih populacija. Ovom prilikom učesnici sastanka su upoznati, da je Vijeće ministara Bosne i Hercegovine, na 28. sjednici održanoj 28.11.2012. godine, usvojilo Informaciju Ministarstva sigurnosti Bosne i Hercegovine, odnosno Radne skupine za monitoring provođenja Odluke o bezviznom režimu za građane Bosne i Hercegovine Evropsku uniju, sa sastanka održanog 12.11.2012. godine u Brisel, a u kojoj su predstavljene nove obaveze za Bosnu i Hercegovinu u Post-viza monitoring periodu.
- Posmatrajući dosadašnje aktivnosti u okviru bezviznog režima za građane Bosne i Hercegovine u Evropsku uniju / Šengen naša zemlja uredno ispunjava sve obaveze iz Post-viznog monitoring mehanizma, a sve bosanskohercegovačke institucije i agencije za provođenje zakona djeluju u skladu sa utvrđenim obavezama koje doprinose ispunjavanja obaveza iz Odluke o bezviznom režimu za građane Bosne i Hercegovine tokom njihovog putovanja u zemlje Evropske unije, odnosno zemlje Šengena.
- Također, u prethodnom periodu Bosna i Hercegovina je uspješno realizovala obavezujuće posjete Evropske komisije našoj zemlji na nivou eksperata EU, koji su direktno na terenu vršili monitoring primjene bezviznog režima i mjerila iz Mape puta za liberalizaciju viznog režima za građane Bosne i Hercegovine u Evropsku uniju.

- U vezi svega navedenog, važno pitanje za Bosnu i Hercegovinu u okviru Post-viza monitoring mehanizma predstavljat će uspješna implementacija programa i projekat pomoći socijalno-ekonomske integracije manjinskih populacija, te potpuna provedba Strategije razvoja i Strategije socijane uključenosti Bosne i Hercegovine i Strategije Bosne i Hercegovine za rješavanje problema Roma.